

Meeqqat illersuisussaannut kiisalu Meeqqat pillugit Siunnersuisoqatigiivinut tunngatillugu Inatsisartut inatsisissaattut siunnersuut:
(Naalakkersuisut)

Saqqummiussassatut oqaaseqaat

(Ilaqtariinnermut, Kultureqarnermut, Ilageeqarnermut Naligiisitaanermullu Naalakkersuisoq, Mimi Karlsen)

Siullermeernera

Matumuuna Naalakkersuisut sinnerlugit Meeqqat Illersuisussaannut kiisalu Meeqqat pillugit Siunnersuisoqatigiivinut tunngatillugu Inatsisartut inatsisissaattut siunnersuut saqqummiutis-savara.

Inatsisissatut siunnersuut aqqutigalugu meeqqat pisinnaatitaaffisigut ingerlatsivik politikkut attuumassuteqanngitsoq pilersinneqassaaq, taannalu aqqutigalugu meeqqat pisinnaatitaaffe-qarnerat kiisalu meeqqat inuiaqatigiinni soqutigisaqarnerat siuarsarneqassaaq, kiisalu meeqqat inuiaqatigiinni atugaannut tunngasut eqqummaariffigineqarnerulissapput paasissutissiisutigineqarnerulissallutillu. Meeqqat pisinnaatitaaffisigut ingerlatsivik aqqutigalugu meeqqat pisinnaatitaaffiatugarisaallu pillugit katersukkat, ineriertortitat qinikkanut, pisortanut, kattuf-finnut inuiaqatigiinnullu paasisitsiniutigineqartassapput.

Meeqqat pisinnaatitaaffisigut Ingerlatsivimmil Meeqqat illersuisuat, Meeqqat pillugit Siunnersuisoqatigiit allattoqarfillu inissisimassapput. Ingerlatsivimmil Meeqqat illersuisuat Inger-latsivimmil sinnisuussaaq ingerlatsinermilu qitiusumik inissisimassalluni kiisalu Kalaal-lit-nunaanni tamarmi meeqqat pillugit suliniarnermi siuttuussalluni. Sapinngisamik meeqqat Meeqqat illersuisuata sulinerani peqataatinneqassapput.

Meeqqat illersuisuata suliassai tassaapput meeqqat pisinnaatitaaffii pillugit aammalu meeqqanik siunnersuisalluni ilitsersuissallunilu kiisalu naammagitaalliornissamut periarfissat suunersuut paasistsissutigissallugit. Meeqqat illersuisuata meeqqat naammagittaalliornissamut pisin-naatitaaffe-qarnerat, naammagittaalliornissamut periarfissaqarnerat, aammalu tusarneqarnis-samut pisinnaatitaaffe-qarnerat qulakkiissavaa. Meeqqat illersuisuata aammattaaq eqqaasitsis-sutigisassavaa, inatsisit malillugit Kalaallit-nunaat FN-imil Meeqqat pillugit Isumaqtigiis-summik malinninnissamut pisussaaffeqarmat. Meeqqat illersuisuata aalajangersakkanik nutaan-nik suliniutissanillu nutaanik siunnersuuteqarsinaavoq, tassa tamakkua meeqqat inatsisitigut illersugaanerannut, atugaannut nukittorsaataassappata kiisalu meeqqat inuiaqatigiillu akornan-ni aqqiagiinngissutinik pilersoqartillugu aaqqiissutaasinnaasunik pinaveersimatitsisinnaasu-mik kinguneqassappata. Meeqqat illersuisuata meeqqat atugaat pillugit inatsisiliornikkut suli-aqartoqalersillugu tusarniaavagineqartussatut aalajangersimasumik inissisimassaaq nammie-erluni suliniutit tamakkua meeqqat atugaannut atatillugu suliniutigisat, iluarsiissutigitinniak-

kat pilersaarutilu qanoq kinguneqaratarsinaanneri pillugit nalilersuisinnaallunilu oqaaseqarsinnaavoq. Meeqqat illersuisuata meeqqat atukkamikkut sanngiitsumik inissisimasut immikkullu pisariaqartitsisut eqqummaariffigissavai.

2009-mi ukiakkulli Inatsisartut ataatsimiinneranni aalajangiiffisassatut siunnersuutip, oqaluuserisassatut siunnersuutip 60-ip suliarineqarnerani Naalakkersuisut ilisimatitsissutigaat meeqanut inuuusuttunullu tunngatillugu ingerlatsivimmik pilersitsinissaq kissaatigineqartoq, tasani lu meeqqat atugaat pisinnaatitaaffilu, meeqqanullu tunngasut suliarineqassasut.

2009-mi ukiakkut Inatsisartut ataatsimiinneranni Naalakkersuisut Inatsisartut 2010-mi upernaakkut ataatsimiinnissaannut ingerlatsvimmik meeqqat inuuusuttullu pisinnaatitaaffii aallaavigalugit suliaqarfiusussamut perusissaasinnaasunik imalimmik nalunaarusiamik suliaqarniarlutik imminnut pisussaatipput.

”Meeqqanut inuuusuttunullu tunngatillugu siunnersuisutut ingerlatsivik pillugu nalunaarusiaq 2010” Inatsisartut 2010-mi upernaakkut ataatsimiinneranni saqummiunneqarpoq, taassumalu iluaniippoq meeqqat pisinnaatitaaffiinut tunngatillugu ingerlatsivissamut ilusiligaq, taannalu Inatsisartut tapersorsorpaat. Inatsisissatut siunnersut manna tamanna aallaavigalugu suliaqarpoq.

Meeqqat pisinnaatitaaffiinut tunngatillugu ingerlatsivissap isikkussaat ilusiliussaq taanna inatsisissatut siunnersummut ilanngunneqarpoq. Kisiannili ataasiakkaatigut allannguilaarnissaq avaqqunneqarsinnaasimangilaq. Ilaatigut Meeqqat Inuuusuttullu Pillugit Ilisimasaqarfik (MIPI) ullumikkutut isikkoqarluni ingerlaannarnissaa taamaatittariaqarsimalluni, tassami meeqat pisinnaatitaaffiisigut ingerlatsiviup allattoqarfiata Meeqqat illersuisussaat kiisalu Meeqat pillugit Siunnersuisoqatigiissitat, taamatullu MIPI-p meeqqat atugaasigut ilisimasanik katersuinermut ingerlatseqqitarnermullu tunngatillugu suliassaatai ingerlattussaammagit. Aqqissusseqqinneaq tamanna kiisalu MIPI-p meeqlaat inuuusuttullu tungaasigut sullissinermi inissisimanera nutaamik nassuiarnera aqqutigalugu meeqqat atugaasigut pisinnaatitaaffiisigulu pisortatigoortumik paasinninnermik annertusisitsinssaa naatsorsuutigineqarpoq, tamanalnu aqqutigalugu Meeqqat illersuisussaat kiisalu Meeqqat pillugit Siunnersuisoqatigiitat meeqat tungaasigut sullissinissaat tunngavissinneqassasoq. Kiisalu aaqqissusseqqinnerup kingunerisaanik aammattaaq aaqqissuussinerup iluani nutaamik aaqqissuussinermik pilersitseqqinissaq pinngitsoorneqarsinnaavoq, tamatumami kingunerisaanik allattoqarfik suliassanut suleqatinullu tunngatillugu soriarsinaajunnaarsinneqarsinnaallunilu eqaatsumik periuseqarsinnaajunnaarsinneqartussaammat.

Inatsisissatut siunnersuut tusarniutigineqarmat akissuteqaatitut tiguneqartut takutippaat Meeq-qat Oqaaseqartartussaannik kiisalu Meeqqat pillugit Siunnersuisoqatigiitanik pilersitsinissaq annertuumik tapersorsorneqartoq. Kiisalu tusarniaanermi akissutigineqartut aammattaaq takutippaat Meeqqat illersuisussaata sunik suliaqarnissaa sunillu piginnaasaqarnissaa pillugit assigliingitsunik isummersortoqatoq. Inatsisissatut siunnersummi isummat assigliingissu-teqar-

sinnaanerat sapinngisamik upalungaarfinginiarneqarpoq. Tassami inatsisisstatut siunnersuut kalaallinut naleqqussagaavoq, aammalu inuiaqatigiinnit kalaallinit aallaaveqarluni.

Sapaatip akunnera 42-mi Ilulissani Meeqqat ataatsimeersuartinneqassapput. Meeqqat ataatsimeersuartinneqarnissaata pingarnerusutut siunertaraa kallaallit meerartatta nunatsinni meerartatta atugaasigut pisinnaatitaaffisigullu suliniateqarnerup annertusisinneqarnissaasa sutigut unamminartorsinnaanerat pillugu qanoq isumaqarnersut tusarniassallugu. Tamakkua saniati-gut Meeqqat ataatsimeersuartinneqarnerat tassaassaaq meeqqat ataatsimoortut toqqarneqartut siunissami meeraqatitik sinnerlugit suliassanik meeqqanut tunngasunik meeqlaat isaannik aallaaveqartumik aalajangersimasumik ilusilersuisartussat. Meeqqat Meeqqat ataatsimeersuanermut peqataasut ilaatigut meeqqat pillugit isumaqatigiissutip pingartitaanik suliaqartus-sat, kiisalu meeqqanut inuusuttunullu suliniarnermut tunngatillugu suliassat periarfissallu sorliit pingarnersiornerinik suliaqartinneqartussat. Taamatut suliaqarneq tassaasussaavoq Meeqqat illersuisussaata suliaqarnissaani toqqammmavissat.

Kissaatigaara Meeqqat illersuisussaannut kiisalu Meeqqat pillugit Siunnersuisoqatigiihanut tunngatillugu Inatsisartut inatsisisattut siunnersuut aqqutigalugu meeqqat inuusuttullu pisin-naatitaaffinnut suugaluartunulluunniit tunngatillugu ersarilluartumik pitsaasumillu siunnersorneqarsinnaalernissamut periarfissaqalerumaassasut.

Taamatut oqaaseqarlunga siunnersuut Inatsisartunut suliassanngorlugu ingerlateqqippara.